

**-Jää dere kä -gv -tugbasie ma
'nua' dëea wii 'wli, -be 'ü fɔa'**
*(Voici pourquoi, lorsque les mange-mil
entendent un bruit quelconque, ils fuient)*

*Raconté par DJAHI Kogné Michel
(Djapadji)*

Première impression Mai 2002

(Corrigé en document PDF Octobre 2008)
© Centre de Traduction et d'Alphabétisation
en langue Bakwé
(C.T.A.B.)
--Touadji II --
B.P. 555, Méagui
Côte d'Ivoire

Cel: 07.89.61.68 / 07.04.60.01
07.62.97.21 / 07. 00. 29.32

**-Jää dərə kä -gv -tugbasie ma
'nua' dəea wii 'wli, -be 'ü fɔa'**

(Voici pourquoi, lorsque les mange-mil entendent un bruit quelconque, ils fuient)

**-Tugbasiejɔ nūnia nyɔɔ ma dəbenyɔɔa
'klı jre. Dərə kä -gv 'ɔ bea' 'iin 'i kä 'mırı.**

'Klvaria mlaa nya 'klvaria nyisie.
Mlaa kä kä 'üa bätä, nyisie kä kä 'üa bätä.
-Sri -gbaa' 'kä 'fetri jrää' 'lı nı, 'klvaria mlaa,
'üü we nyisie 'ba ji ana bätä amä fetri 'jä -o.
Nyisiea 'fiɔ kreekpə bää' nyisie 'ünja dɔ 'wu,
'ünja mi mlaaa bätä 'brikalı.

Mlaaa bätä, -ama 'jä 'ään, -na ple
blö. Bätä 'papaa, bätä -susugbee. Nyisie 'tɔa'
nı, 'jru 'ciea' 'wu ɔ, 'ü biaa' -gogosasraku, 'ü
-piie bätä 'ü 'jäjrä bätä. 'Üa -gbatata, 'ümä
mikalı mı nı, -tööwlea 'ŋlvv 'ɔ ku -wälı
bre 'ɔa -wöseri dugu 'lı -be nyisie ji -sikalı.
Nyisieli mia', 'üa -tɔrvipɔ 'kopiojɔ bälı. 'Ünya
'treɛ 'ŋlvvlɔ, 'ɔnya 'treɛ 'üün. 'ŋlvvlɔ mia'
'üün 'jäkalı nı, 'kopiojɔlɔ bää' 'ltɔrvipɔ 'ɔ 'na.
'ŋlvvlɔ nya 'treɛ 'kopiojɔlɔ, 'ɔ we 'ɔn, 'ɔ -ma:

«Ji 'ba.»

'Kopiolo nya ji, 'ü nya 'tetre. 'Kopioa 'muuu nya 'bete: «–Be –na ducc?» 'Iibä:
«–Wöseri a nö, –maa 'na ducc mi 'napi 'sakalı.
'Juguwöseri a nö 'a 'ia 'napi 'c mi 'sa.

'Ii känyri 'Kopiojc o, 'sırı –na fugba 'na o, ji –a –paalı –na mlıa –tatu derı –be 'jvlo a 'mää' –gu nı, 'c 'mä –mı ja. 'A 'ie 'n –gbala –mı –o.» 'Iibää' 'Kopio: «'Aa! –Mää 'ia –gv 'nyı ji –o, 'i –pı ka –yre ja –o.»

'Iibä: «'Ii –mää –yre ja, 'palı –na mlıa –tatu.» –Be –tööwlea ducc ku 'lee 'kötü –gba, –be 'c 'jää 'ca 'ηlvu 'wv, 'cnya 'Kopio dete. 'Kasa 'Kopio nya 'palı –tatu. 'Ee ja ducc 'cnya ji. 'C ja 'cre 'cnya ji.

'C jia' dotro, 'cavn 'c 'kpla 'kopioa –plılıa dii, 'iibä: «–Kälä 'iin –gba? –Wöseri 'na 'ηlvu brea' 'kä –paalı –tatu? –Jre 'ia 'mırı 'ie –paalı –tatu derı?»

Iibää' 'kopio: «–Aan! 'Na 'mlcc 'nëma –plıı ku 'nëma 'lı –tatu 'pa, –na 'ηlvu nınıa –a 'palı –tatu, 'jüguwöseri 'a nö nı, 'ama –gu 'ju nı, 'cmä 'mı ja 'cmä 'na, 'ie 'n 'palı –tatu, –maa 'nëma 'ia 'mırı jre 'nı?» 'Iibä: «–Ası

–na 'cö bäblä 'lì ı –be –paalı –tatvv? 'Kpa 'pi 'kopioa 'nyakliri.

'Kopioa 'muu 'ça dii 'c kprç 'çnya –tööwle bälı –gbätä. Nyisieli, 'ça –gbötümü faia' 'kopio –pikalı 'ü 'tçrç 'ça 'wliri.

–Yre 'a blö. Mlaaa 'fıç 'ça 'muu 'üa –tööwle –gäli po. –Gbätä 'a blö. Nyüülü mia' 'brikalı, bätää 'fıç blö –gbätä 'lì. 'Ii mi mi 'ii nya ja tou, nyisiea 'fıç nya fıç 'ünya blee 'ünya ji 'üa bätä.

'Ü jia', 'ii 'ü –gbala 'üa tagbö ɔ blaç' 'üün –be 'ü jia' 'brikalı. Tagbölc 'cc 'ü 'dara 'Buwıa. «'Buwıa ana 'kpatä weıa' ami, a mia' 'brikalı nı, 'ü ja ami tou. 'Iibä: «'Ba –fu tou.» 'Ü 'saarı nı, nyisiea tagbö jresaa –maa nyisie kä –gä, 'ie 'c 'daa 'ü –fu tou. 'Ai ja kä tou. 'Kluvarıa nyisie nya 'kluvarı mlaa 'a 'üü ja kä tou. –Fu tou –fu; 'be 'ii a 'jä 'wı mlaa 'bva, 'ünya kla 'klaa 'ünya –si nyisie 'wı. Nyisiea 'muu kla, 'ü kä këke 'nı! 'E bä kaklanycc 'üa –tçrvıç. Nyisie kä –gbiniojo.

–Ama 'jä –plı –gbiniojo, oma 'kpörö nı, 'abıa –pumlaa nyrvgbçlvıua 'dooa –gv. 'Ça 'nyüa 'mlı ma –fıcc, 'abıa –pua nyrvgbçlvıua 'dooa –gv 'ça 'nyüa 'mlı –fıcc. –Pu ma 'pa

wii 'plɔv, -gbinio -gööö -pu -wäl̄i.

Nyisie kä 'pupuu 'a 'uu bā 'üa
bablanycc. 'Uu bla -pi, 'uu bla -särëë.
-Särëë 'nyi 'makı ma nyisie. -Modoo ma ji, 'c
d̄ -pu 'v, 'c d̄ -sarëë 'wv 'pupuua -nyee.

Nyisie brere 'üa tv kpakȫl̄ c 'ü 'daraa'
'Buwia. 'Ü brere 'ccn -be 'c 'plöö -be 'c nö 'ba
-fu tou.

'Ü ma brere 'ccn ni, 'as̄i 'ü be:
«'Täkäpapaa bäl̄i -saplee 'l̄i, nycc 'nyi be ma
'ää -gäli 'die -o. -Ama be 'l̄i 'die, kpaklaa, ε
-mää pa.» 'As̄i 'ü nö 'ü brere 'ccn 'l̄i.

Mlaaa 'muu kä kaklanyüü. -Gbe ma
ji, -nya 'saa -pasadee, këkea 'muu ma ji, dv̄ea
'muu ma ji, 'nëgbäle ma ji, -tue ma ji Kä
'in käli kä kä, 'inyi ma 'na. Mlaaa 'koi -sc̄rɔ
'wv, 'inya -si nyisiea 'koi 'wv. 'Ee nu 'üün
'unya 'pütö nyisiea bätä. 'Üa 'kamanycc, c 'n
'daaa' -plu 'Buwia, 'cc bā -tugbasio.

'C 'ü -siee 'cc bā 'Buwia. Mlaa nya
'pa -Tugbasioa bätä kapu. -Tugbasioa bätälä
'na 'muu bää' -Konyi 'n 'jä 'ään -o.

-Tugbasioa 'pa kä 'ca -gböli -gc̄v̄n
'doo. -A ma pa kä 'üa bätä -a ma mi kä

–sikali, 'ä bää dörönpanyüüä bätälä ä 'ü 'daraa' 'Idapöa 'ia –te 'lee.

–A mi 'üä bätä 'ia 'pisiatu bää 'wū 'pvū 'pvū. 'Abia –tugbasioa bätä. Mlaa nya palı, 'pütö nyisiea bätä, 'pütö –tugbasioa nyukulu, –plüüa! Nyisiea 'fı –gba 'kä.

–Tugbasio 'jää' 'iin, 'ɔ ma wiiri jöa' 'i –scoru 'wū. 'Ee ja –tugbasio 'ɔ nya ji bätä ana –nyee, amo bätää nyüü ana –nyee.

«Bätää nyüü 'amı 'ba ji, 'ba –jää tou blöa' a nyra mlaa kcsö –fuuöa' tou, –maa mlaa –scoru 'wū 'ünya –si amı 'wū. 'Ii känyri 'amı 'n ji kukalı, 'ba ji amı –gba, –maa tou 'nı 'nyie ma amı –o.»

Bätää nyüü –nëma: «A nyaa' 'nu. 'Abia amo jö amä 'amı –gba ji. –Maa a jöa' –o, a 'nı –gbasa ma 'lı –o. Tou a jö –gakalı, tou 'nı –gbasa ma 'lı. 'E –nı nycc a 'paa, nyisio a 'paa, mree –o a 'paa.» Amo bää' bätää nyüü 'a 'ia tou a –gaaa nyisie nyra mlaa kcsö.

–Ama mi 'klvari, –ama 'jä mree –pu 'paa, –ama 'jä nyisio –pu 'paa tou a –gaaa.

–Tugbasioa 'muu 'c fɔa', c kä bätä 'ü 'pütöa' –be 'c jia' ana 'klvari, –jäsı 'c bea' ni:
«Bätää nyüü 'amı o, 'n –kaa ma bätä kä, 'ia 'saa o, –jaa ku ana bätä –be 'amä tou –ga.»

'A 'ia –tugbasio ku bätä 'c ku nyuku –gba. 'Be 'cä kä amı kukalı ji e; amä –gakalı mi, 'c ma 'daa nycc 'nyı ma debenycc 'kli jre ni, 'ası 'c 'jä nyüü, nyüü jö dotro –priii 'cä fɔ. Nyccöl 'mää' dee be, nycc ma 'ccn jre, 'be touganyü jö. –Tugbasie ma –gblocc –plu 'kä, 'ü ma 'jä nycc dotro –prii 'üa fɔ.

'A 'ia tapönänä –tugbasio 'pa.

Mlaa 'mä tou sıa, 'ümä nyisie du ni, 'i ma 'pupuu 'tv kä. 'Ii känyri 'pupuulu bä kää' bablanycc ni, 'u –ka –fuö –pıd 'ua ni tou.

–Ama 'jä 'pupuu, uma 'bla trcc, 'u ja 'uun 'kä 'u 'pie 'uun 'nyufɔ 'wı. 'Kä 'u nö toulu a nyra mlaa –fuöa' 'a 'uu a –ka –fuö –o.

'Ası 'klvari mlaa nu 'ü nyra nyisie so nya –fu kä tou –o.

'Abıa 'na 'nänää–fatrafli –o.

Communiquez-nous tout problème que vous rencontrerez! Vous nous aidez ainsi à améliorer l'orthographe de la langue Nyragbi. Nous remercions par cette occasion, tout le peuple Nyragbi pour leur collaboration.

ADDITIF

Ces contes ont été enregistrés et vérifés avant l'impression avec les Nyragbi, précisément dans les villages de Djapadji et Doba.

Voir la langue Bakwé écrite et lire sous toutes ses formes par tous ses composants est un souhait et objectif que veut atteindre le Centre de Traduction et d'Alphabétisation en langue Bakwé.

Nous vous remercions pour la collaboration fraternelle au nom des Bakwé.

Imprimé par la
Société International de Linguistique
08 B.P. 857 Abidjan 08, R.C.I.
Tel: 22.43.12.98

Bakwé / 2ème trimestre 2002/ 50